

namjeri nanošenja velikih patnji, odnosno ozbiljnih fizičkih povreda i narušavnja zdravlja, pa je tako:

1. U toku mjeseca jula 1992. godine, nakon što je oko 20 civila bošnjačke nacionalnosti koji su bili zatočeni u logoru „Bunker“ opština Vogošća, odvedeno na lokalitet Keljevo u blizini brda Žuč na prinudne radove radi obavljanja teških fizičkih poslova koji su se sastojali u izgradnji puta za pripadnike srpske vojske, iz grupe izdvojio pet lica i to: [REDACTED] i [REDACTED] te ih odvezao kamionom prema prvim borbenim linijama na Žući, gdje ih je lišio života,
2. U toku mjeseca jula 1992. godine, zajedno sa licem po nadimku Mićo četnik, došao do zgrade u ulici Skendera Kulenovića br. 73, opština Vogošća, te iz iste izveli [REDACTED] vezali mu ruke žicom, nakon čega su ga nasilno ugurali u automobil i odvezli u nepoznatom pravcu, da bi se nedugo zatim, ponovo vratili u zgradu, te na isti način odveli [REDACTED] u nepoznatom pravcu od kada im se gubi svaki trag,
3. Neutvrdenog datuma u mjesecu julu 1992. godine, došao naoružan u mjesto Svrake, opština Vogošća, pred kuću [REDACTED] u ulici Podgaj br. 45, istog maltretirao i tukao, pri tome ga tjerajući da pred njim pleše i izgovara riječi „Alija-balija“, stavljajući mu nož pod grlo, nakon čega mu je zaprijetio da ne smije nigdje ići jer će on sutra doći u isto vrijeme, da bi sutradan u isto vrijeme došao do njegove kuće, zastao a zatim produžio 50-60 metara dalje do kuće [REDACTED], gdje je ispred kuće zatekao njega i njegovu suprugu [REDACTED] te istim naredio da uđu u kuću, što su i poslušali krećući se prema ulaznim vratima, da bi potom iz automatske puške u njih ispalio jedan rafal nanijevši im prostorene rane od kojih povreda su na licu mjesta izdahnuli,
4. Dana 30. avgusta 1992. godine, u mjestu Ravne, opština Vogošća, gdje su zatočeni iz logora „Planjina kuća“ bili raspoređeni na prinudne radove, došao do zatočenika [REDACTED] i [REDACTED] iste vrijeđao nazivajući ih „balijama“, te nakon što je zatočenicima podijeljena hrana naredio zatočeniku [REDACTED] da sjedne ispred njega, nakon čega je izvadio nož iz korica te počeo sjeći po licu, urezujući mu krst, u vidu rasjekotine po nosu i iznad obrva, iz kojih rana je tekla krv niz lice, da bi mu potom naredio da postavi tanjur s hranom, kako bi se u isti slijevala krv, te ga prisilo da svu hranu zajedno sa krvlju pojede,

5. U prvoj polovini septembra 1992. godine, zajedno sa [REDACTED] i [REDACTED] u večernjim satima, naoružani došli pred kuću [REDACTED] koja se nalazi u ulici Stara željeznička stanica br. 18 u Semizovcu, opština Vogošća, obili ulazna vrata i ušli na sprat kuće, gdje su zatekli [REDACTED] i njegovu suprugu, [REDACTED] da bi ih potom maltretirali i tukli, nogama i rukama i raznim predmetima po svim dijelovima tijela, od kojih udaraca je [REDACTED] bio sav krvav i više puta gubio svijest, tražeći od njih novac i zlato što su isti morali predati, nakon čega je optuženi Dragan Damjanović na silu odveo [REDACTED] u drugu sobu, gdje joj je naredio da razvuče kauč i da se skine, te je nakon toga uz upotrebu fizičke sile prisilio je na seksualni odnos,

6. U vremenskom periodu od mjeseca avgusta 1992. godine do februara 1993. godine, u više navrata dolazio u logor „Planjina kuća“ koji se nalazio u Semizovcu, opština Vogošća, gdje su bili zatočeni civili bošnjačke nacionalnosti sa područja Vogošće, Nahoreva, Hadžića, Ilijaša, Sokoca i drugih mjesta, iste maltretiro i tukao zajedno sa ostalim stražarima iz logora, a posebno tukao i maltretirao zatočenike [REDACTED] i [REDACTED] [REDACTED] odvodio zatočenike na prinudne radove na prve borbene linije koji su se sastojali od kopanja rovova za srpske vojnike, nošenja municije, cijepanja i nošenja drva, kao i ostalih radova, pri tome ih vrijeđajući nazivao „balijama“, psovao balijsku majku, fizički ih maltretirao, udarajući ih po raznim dijelovima tijela nogama i rukama, kundakom puške i drvenim palicama, odvodio zatočenike u „živi štit“ usljed čega je veći broj zatvorenika ranjen, a neki i poginuli na prvim borbenim linijama ili preminuli od posljedica ranjavanja, a jedne prilike u toku izvođenja prinudnih radova na „Golom brdu“ opština Vogošća na brutalan način lišio života izvjesnog [REDACTED] zv. [REDACTED] iz Bioče,

7. Neutvrđenog datuma u januaru 1993. godine iz logora „Planjina kuća“ opština Vogošća, izveo zatočenika profesora [REDACTED] koji je bio pretučen i u vrlo teškom zdravstvenom stanju usljed fizičkog maltretiranja u logoru od strane stražara i srpskih vojnika, te ga zajedno sa nekoliko ostalih zatvorenika među kojima su bili [REDACTED] i [REDACTED] [REDACTED] odveo na prinudne radove u mjesto Jeftiće kod kuće Rajka Bunjevac, te ga maltretirao postavivši ga da u tako teškom stanju leži na snijegu i urezujući mu bajonetom krst na čelu usljed čega je [REDACTED] tekla krv niz lice, da bi ga nakon toga zajedno sa ostalim zatočenicima odveo u kuću Bunjevac Rajka, odakle ga je ispred kuće izdvojio i odveo nedaleko od

kuće, gdje ga je lišio života, a isti je sutradan nađen mrtav u obližnjem grmlju sa prostrelnom ranom u predjelu sljepočnice,

Da je u okviru širokog sistematičnog napada protiv civilnog stanovništva opštine Vogošća izvršio za takav napad kao pripadnik Vojske Srpske Republike BiH izvršio ubistva, prisilni nestanak osoba, mučenja i druga nečovječna djela učinjena u namjeri nanošenja velike patnje i ozbiljne fizičke i psihičke povrede,

čime je u radnjama opisanim u tačkama 1-7 izreke optužnice počinio krivično djelo Zločin protiv čovječnosti iz člana 172. stav 1. Krivičnog zakona Bosne i Hercegovine i to:

1. tačke a) u odnosu na tačku 1) optužnice,
2. tačke i) u odnosu na tačku 2) optužnice,
3. tačke a) i f) u odnosu na tačku 3) i 7) optužnice,
4. tačke f) u odnosu na tačku 4) optužnice,
5. tačke f) i g) u odnosu na tačku 5) optužnice,
6. tačke h) i f) u odnosu na tačku 6) optužnice.

Stoga,

P r e d l a ž e m

I) Da se pred tim sudom zakaže i održi glavni pretres na koga pozvati:

- Tužioca Tužilaštva BiH,
- Optuženog Dragana Damjanovića, trenutno u pritvorskoj jedinici KPD „Kula“ Istočno Sarajevo i njegovog branioca Miodraga Stojanovića, advokata iz Bijeljine;

II) Da se provedu sljedeći dokazi:

a) Da se kao svjedoci pozovu i saslušaju:

1. [REDACTED]